

程

臨川先生文集卷第二十五

律詩

七言八句一七言長篇附

鍾山西庵白蓮亭

贈老寧僧首

次韻舍弟賞心亭即事二首

次韻陳學士小園即事

寄友人

登大茅山

登中茅山

登小茅山

送張仲容赴杭州孫公辟

贈李士寧道人

次韻春日即事

次韻荅陳正叔二首

送崔左藏之廣東

苦雨

江上

午枕

寄石鼓陳伯庸

送能禔通

送王覃

送明州王大卿

姑胥郭

嚴陵祠堂

藏春塢詩獻刀十四丈學士

太湖恬亭

蒙城清燕堂

次韻酬吳彥珍見寄二首

自金陵如丹陽道中有感

初去臨川

讀史

讀詔書

王太丞邑事之暇過訪山館兼示佳篇

王浮梁太丞聽訟軒有水禽巢于竹林

寄虞氏兄弟

除夜寄舍弟

荅熊本推官金陵寄酒

和錢學士喜雪

送江寧彭給事赴闕

鍾山西庵白蓮亭

山亭新破一方苔白帝留花滿四隈野豔輕明非傳
粉秋光清淺不憑材鄉窮自作幽人伴歲晚誰爲靜
女媒可笑遠公池上客却因松菊賦歸來

贈老寧僧首

秀骨危眉倦往還自然清譽落人間閑中用意歸詩
筆靜外安身比太山欲倩野雲朝送客更邀江月夜
臨關嗟予蹤迹飄塵土一對孤峯幾厚顏

次韻舍弟賞心亭即事二首

檻折簷傾野水傍臺城佳氣已消亡難披梗莽尋千
古獨倚青冥望八荒坐覺塵沙昏遠眼忽看風雨破
驕陽扁舟此日東南興欲盡江流萬里長

二

霸氣消磨不復存舊朝臺殿祗空村孤城倚薄青天
近細雨侵凌白日昏稍覺野雲成晚霽却疑山月是
朝暎此時江海無窮興醒客忘言醉客喧

次韻陳學士小園即事

牆屋雖無好鳥鳴池塘亦未有蛙聲樹含宿雨紅初
入草倚朝陽綠更生萬物天機何得喪百年心事不
將迎與君杖策聊觀化搔首春風眼向明

寄友人

飄然羈旅尚無涯一望西南百歎嗟江擁涕淚流入
海風吹竟夢去還家平生積慘應消骨今日殊鄉又
見花安得此身如草樹根株相守盡年華

登大茅山

一峯高出衆山顛疑隔塵沙萬里千俯視煙雲來不
極仰攀蘿葛去無前人間已換嘉平帝地下誰通句
曲天陳跡是非今草莽紛紛流俗尚師仙

登中茅山

翛然杖屨出塵囂鷄犬無聲到沈寥欲見五芝莖葉
老尚攀三鶴羽翰送客谿路轉迷橫約仙几風來得
墮樵興罷日斜歸亦懶更磨碑藓認前朝

登小茅山

捫蘿路到半天窮下視淮洲杳靄中物外眞游來几
席人間榮願付苓通白雲坐處龍池杳明月歸時鶴
馭空回首三君誰更似子房家世有高風

送張仲容赴杭州孫公辟

萬屋相誇漆與丹笑歌長在綺紈間綵舫春戲城邊
水畫燭秋尋寺外山憶我屢隨遊客入喜君今赴辟
書還遙知曼倩威行久赤筆應從到日閑

贈李士寧道人

季主逡巡居卜肆彌明邂逅作詩翁曾令宋賈數車
上更使劉侯驚坐中杳杳人傳多異事冥冥誰識此
高風行歌過我非無謂唯恨貧家酒盞空

次韻春日即事

人間尚有薄寒侵和氣先薰草樹心丹白自分齊破
蕾青黃相向欲交陰潏潏嫩水生幽谷漠漠輕煙動
遠林病得一官隨太守班春無助愧周任

次韻荅陳正叔二首

青衫憔悴北歸來髮有霜根面有埃群吠我方憎狝
子一鳴誰更識龍媒功名落落求難值日月泫泫不
不回勝事與身何等近酒樽詩卷數須開

二

田宅荒涼去復來詩書顏髮兩塵埃忘機自許鷗相
狎得禍誰期鶴見媒此道未行身有待古人不見首
空回何當水石他年住更把韋編靜處開

送崔左藏之廣東

怪石巉巖上沈寥昔人於此奏蕭韶水清但有嘉魚
出風暖何曾毒草搖今日淹留君按節當時嬉戲我
善畧因尋舊政詢遺老爲作新詩變俚謠

苦雨

靈場奔走尚無功去馬來車道不通風助亂雲陰更
密水爭高岸氣尤雄平時溝洫今多廢下戶京園久
已空肉食自嗟何所報古人憂國願年豐

江上

村落家家有濁醪青旗招客解祗欄春風似補林塘
破野水遙連草樹高寄食舟車隨處弊行歌天地此
身勞還回自負平生意豈是明時惜一毛

午枕

百年春夢去悠悠不復吹簫向北留野草自花
落鳴禽相乳亦相酬舊蹟埋沒開新徑朱戶
歌斜見書樓欲把一盃無伴侶眼看出興廢
使人愁

寄石鼓寺陳伯庸

鯨海無風白日開天門當面險難攀塵埃
積骨難存陌琴酒和雲入舊山仁義未饒
軒冕貴功名莫信鬼神慳郭東一點英雄
氣時伴君心夜斗間

送熊伯通

歲暮欣逢蓋共傾川塗南北豈忘情事經
官路心應達地入家山眼更明江上月華
空自照梅邊春意恰相迎關河不鎖真消
息野客猶能聽治聲

送王覃

分走人間十五年塵沙吹鬢各蒼然山林
渺渺長回首兒女紛紛忽滿前知子有才
思奮發嗟余無地與迴旋相看一作秦吳
別身世何時兩息肩

送明州王大卿

大曆才臣有此州昆雲今駕鹿轡游從
來所至邦人喜且復能分聖主憂千里封
疆何足治一時名跡故應留屬城舊吏
雖疲懶尚可揮毫敵李舟

姑胥郭

誤褫雲巾別故山抵吳由越兩間關千
家漁火秋風市一葉歸舟暮雨灣旅病
情情如困酒鄉愁脉脉似連環情知帶
眼從前緩更恐顛毛自此斑

嚴陵祠堂

漢庭來見一羊裘，默默俄歸舊釣舟。迹似磻溪應有待，世無西伯可能留。崎嶇馮衍才終廢，寂寞龐參道不謀。勺水果非鱸鮓地，放身滄海亦何求。

藏春塢詩獻乃十四文與學士

蒜山東渡得林立，邂逅籃輿亦少留。今日更知萊氏隱，暮年長憶武陵遊。欲管垣屋隨穿屐，尚數塵沙隔獻酬。遙約向吳亭，下路春風深駐五湖舟。

太湖恬亭

檻臨溪上綠陰圓，溪岸高低入翠微。日落斷橋人獨立，水涵幽樹鳥相依。清遊始覺心無累，靜處誰知世有機。更待夜深同徙倚，秋風斜月釣船歸。

蒙城清燕堂

清燕新碑得自蒙，行吟如到此堂中。吏無田甲當時氣，民有莊周後世風。庭下早知閑木索，坐間遙想御絲桐。飄然一往何時得，俛仰塵沙欲作翁。

次韻酬吳彥珍見寄二首

時彥珍為教授，學有古軍墨池。

君作新詩故起予，一吟聊復報雙魚。杖藜高徑誰來往，散帙空堂自卷舒。樹外鳥啼催晚種，花間人語趁朝虛。春風處處堪携手，何事臨池苦學書。

二

篁竹荒茅五畝餘，生涯山蕨與泉魚。家貧殖貨羞端木，鄉里傳書比仲舒。白日憶君聊遠望，青林嗟我似逃虛。春風渺渺烏塘尾，漫得東來一紙書。

自金陵如丹陽道中有感

數百年來王氣消難將前事問漁樵苑方秦地皆蕪
沒山借揚州更寂寥荒墟暗雞催月曉空場老雉挾
春驕豪華祇有諸陵在往往黃金出市朝

初去臨川

東浮溪水渡長林上坂回頭一拊心已覺省煩非仲

叔安能養志似曾參憂傷遇事紛紛出疾病乘虛

疊侵未有半分求自贖恐填溝壑更露襟一作馬頭西

望親庭更苦心已覺省煩非仲叔安能養志似曾參憂傷
遇事紛紛出疾病乘虛疊侵手把空篇卧空屋欲歌商

頌不
成音

讀史

自古功名亦苦辛行藏終欲付何人當時黥閭猶承

誤末俗紛紛更亂真糟粕所傳非粹美丹青難寫是

精神區區豈盡高賢意獨守千秋紙上塵

讀詔書 慶曆七年

去秋東出汴河梁已見中州旱勢強日射地穿千里

赤風吹沙度滿城黃近聞急詔收群策頗說新年又

亢陽賤術縱工難自獻心憂天下獨君王

每見王太丞邑事甚冗而劇劇之暇能過

訪山館兼出佳篇為贈仰嘆才力因成小

詩

我看繁訟頻搔首君富才明見亦常尚有閑襟尋水

石更留佳句似池塘松苗地合分高下鳧鶴天教有

短長徐上青雲猶未晚可無音問及滄浪

王浮梁太丞之聽訟軒有水禽三巢于竹

林之上恬而自得邑人作詩以美之因次

元韻

水邊舟動多驚散何事林間近絕疑野意肯從威令
至舊巢猶有主人知見王太丞詩不關飲咏春江暖自在飛
鳴夏日遲覽德豈無丹穴鳳到時應讓向南枝

寄虞氏兄弟

一身兼抱百憂虞忽忽如狂久廢書疇昔心期俱喪
勇此來腰疾更乘虛久聞楊羨安家好自度淵明與
世疎亦有未歸溝日會應相近置田廬

除夜寄舍弟

一尊聊有天涯憶日感翻然醉裏眠酒醒燈前猶是
客夢回江北已經年佳時流落真何得勝事蹉跎只

可憐唯有到家寒食在春風因泛瀟溪船

荅熊本推官金陵寄酒

鬱金香是蘭陵酒狂入詩人賦詠來庭下北風吹急
雪坐間南客送寒醅淵明未得歸三經金陵有叔夜舊廬
猶月把一盃吟罷想君醒醉處鐘山相向白崔嵬

和錢學士喜雪

手把詩翁憶雪詩坐愁窮海瘴煙霏誰令天上蒼茫
合忽見空中散漫飛闐闐與風生氣勢如娥交月借
光輝山鳴瑟縮相依立邑犬跳梁未有歸點綴立園
榮樹木埋藏溝壑亂封圻高歌業已傳都市逸興行
當叩隱扉頗欲携樽邀使騎幾忘温席薦親闈公今
早晚班春去強勸滂田補歲饑

送江寧彭給事赴闕

西江望士衆長兼卓犖傳家在一男壯志異時開史
牒妙齡終日對書龕桂堂發策收科選櫻苑頒詩豫
宴酣大邑援琴聊試可小州懷紋果才堪分臺拜職
榮先入抗疏辭恩恥橫草勁操比松寒不撓忠言如
藥苦非甘龍鱗直爲當官觸虎穴寧開射利探朱轂
獸頭終協夢粉闈雞舌更須合均輸北轉荆門鷓勸
課西臨蜀市蠶期信有兒迎郭伋食貧無地乞羊曇
橐垂鈴棧駝鳴圓節擁崇郊虎視耽歸見廣墀瞻芥
藻對揚初服改朱藍進班華省財方阜出按窮邊虜
稍戡帝命賈琮當冀北民歌姬奭次周南投壺饗客
魚無乙伐鼓蒐兵馬有驪鯨鬣掀紅旗杳杳虬髯吒

黑鬚鬢威加諸部風霜肅惠浸連營雨露涵大斗
時時能劇飲輕裘往往祗清談乾龍已應天飛五晉
馬徐觀晝接三道在君臣方自合德侔卿長亦誰慙
便蕃肯較平生寵放曠皆知雅性婉委佩去辭廷殛
殖揚舫來得府潭潭一尊客語從容盡千里人情委
曲語豈但措紳稱召杜故多扶杖祝彭聃幕中俊又
閑刀筆帳下驍雄冷劔鐔楚地怪須留汲黯蕭規疑
欲付曹參從來貴勢公何慕自是賢名上所貪未信
逸身今以老且當憂國每如悛論心邂逅膠投漆搔
首低徊雪滿簪鎮撫未驚移歲月追攀曾許賞煙嵐
餘歡遽隔新亭餞宿惠難忘舊館驂卷曲尚誰知散
標嶂嶽空此詠枯楠

臨川先生文集卷第二十五

臨川先生文集卷第二十六

律詩 五言絕句

回紋

六言詩附

聊行

染雲

溝港

霹靂溝

午睡

題齊安壁

昭文齋

臺上示吳愿

示道原

傳神自讚

題何氏宅園亭

草堂一上人

題黃司理園

北山游亭

題永昭陵

詠穀

池上看金沙花數枝過酴醾架盛開

五柳

移松皆死

山中

送王補之行風忽作因題四句於舟中
被召作

南澗樓

南浦

題定林壁懷李叔時

離蔣山

江上

春雨

歸燕

和惠思波上鷗

秣陵道中口占二首

次青陽

代陳景元書于太一宮道院壁

山鷄

雜詠四首

卧聞

秋興有感

題八功德水

口占

偶書

送陳景初

泊姚江

樓上

春晴

淨相寺

將母

朱朝議移法雲院蘭

晚歸

題舫子

惠崇畫

蒲葉

芳草

與徐仲元自讀書臺上定林

病中睡起折杏花數枝二首

送望之赴臨江守

送丁廓秀才歸汝陰

送王彥魯

送呂望之

別方劭秘校

梅花

紅梅

病起過寶覺

書定林總

題徐浩書法華經

回紋詩

碧燕

夢長

送月

治鴈

六言詩

題西太一宮壁二首

西太一宮樓

聊行

聊行弄芳草獨坐隱團蒲問客茅簷日君家有此無

染雲

染雲為柳葉剪水作梨花不是春風巧何緣有歲華

溝港

溝港重重柳山坡處處梅小輿穿麥過狹徑礙桑回

霹靂溝

霹靂溝西路柴荆四五家憶曾騎款段隨意入桃花

午睡

簷日陰陰轉林風細細吹脩然殘午夢何許一黃鸝

題齊安壁

日淨山如洗風暄草欲薰梅殘數點雪麥漲一溪雲

昭文齋

林所居因作

我自中山客何緣有此名當緣琴不鼓人不見虧成

臺上示吳愿

細書妨老讀長篔簹怯昏眠取篔簹且一息拋書還少年

示道原

久不在城市少留心悵然幽芳可攬結佇子飲雲泉

傳神自讚

此物非他物今吾即故吾今吾如可狀此物若為摹

題何氏宅園亭

荷葉參差卷榴花次第開但令心有賞歲月任渠催

草堂一上人

一公持一鉢想復度遙岑地瘦無黃犢春來草更深

題黃司理園

為憶去年梅凌寒特地來闔前空鴈盡渾未有花開

北山游亭

西嶠水泠泠沁岡有游亭自從春草長遙見祇青青

題永昭陵

神闕澹朝暉蒼蒼露未晞龍車不可望投老涕霑衣

詠穀

可憐臺上穀轉目已陰繁不解詩人意何為樂彼園

池上看金沙花數枝過醑醑架盛開

故作醑醑架金沙祗謾栽似矜顏色好飛度雪前開

五柳

五柳柴桑宅三楊白下亭往來無一事長得見青青

移松皆死

李白今何在桃紅已索然君看赤松子猶自不長年

山中

隨月出山去尋雲相伴歸春晨花上露芳氣著人衣

送王補之行風忽作因題四句於舟中

淮口西風急君行定幾時故應今夜月未便照相思

被召作

榮祿嗟何及明恩愧未酬欲尋西掖路更上北山頭

再題南澗樓

北山雲漠漠南澗水悠悠去此非吾願臨分更上樓

南浦

南浦隨花去迴舟路已迷暗香無覓處日落畫橋西

題定林壁懷李叔時

雲與淵明出風隨禦寇還燎爐無伏火蕙帳冷空山

離蔣山

出谷頻回首逢人更斷腸桐鄉豈愛我我自愛桐鄉

江上

江水漾西風江花脫晚紅離情被橫笛吹過亂山東

春雨

苦霧藏春色愁霖病物華幽奇無可奈強醞一杯霞

歸燕

馬上逢歸燕不知從何處來貪尋舊巢去不帶錦書迴

和惠思波上鷗

翩翩白鳥鷗 汎汎水中游 西來久不見 夢想在滄洲

秣陵道中口占二首

經世才難就 田園路欲迷 慙慙將白髮 下馬照青溪

二

歲熟田家樂 秋風客自悲 茫茫曲城路 歸馬日斜時

次青陽

十載九華邊 歸期尚眇然 秋風一乘傳 更覺負林泉

代陳景元書于太一宮道院壁

官身有吏責 觸事遇嫌猜 野性豈堪此 廬山歸去來

山雞

山雞照渌水 自愛一何愚 文采為世用 適足累形軀

雜詠四首

故畦拋汝水 新籠寄鍾山 為問揚州月 何時照我還

二

已作湖陰客 如何更還遊 章江昨夜月 送我到揚州

三

證聖南朝寺 三年到百回 不知牆下路 今日幾荷開

四

桃李石城塢 餉田三月時 柴荆常自閉 花發少人知

卧聞

卧聞黃栗留 起見白符鳩 坐引魚兒戲 行將鹿女遊

秋興有感

宿雨清畿甸 朝陽麗帝城 豐年人樂業 隴上踏歌聲

題八功德水

欲尋阿練若曳屐出東岡澗谷芳菲少春風著野桑
口占

去歲別南嶽前年返泐潭臨機一句子今日遇同參

偶書

雄也營身足聃兮悞汝多捐書知聖已絕學奈禽何
送陳景初金陵持服舉族貧病煩君藥石之功

舉族貧兼病煩君藥石功長安何日到一一問歸鴻

泊姚江

軋軋櫓聲急蒼蒼江日低吾行有定止潮汐自東西
樓上

蕩洋舟中客徘徊樓上人滄波浩無主兩槳邈難親

春晴

新春十日雨雨晴門始開靜看蒼苔紋莫上人衣來

淨相寺

淨相前朝寺荒涼二十秋曾遭滅劫壞今遇勝緣修

將母

將母邗溝上留家白紵陰月明聞杜宇南北摠關心
朱朝議移法雲蘭

幽蘭有佳氣千載閔山阿不出阿蘭若豈遭乾闥婆

晚歸

岸迴重重柳川低渺渺河不愁南浦暗歸伴有姒娥

題舫子

愛此江邊好留連至日斜眠分黃犢草坐占白鷗沙

惠崇畫

斷取滄州趣移來六月天道入三昧力變化只和鉉

蒲葉

蒲葉清淺水杏花和暖風地偏綠底綠人老爲誰紅

芳草

芳草知誰種綠苔已數叢無心與時競何苦綠忽忽

與徐仲元自讀書臺上定林

橫絕潺湲度深尋翠確行百年同逆旅一壑我平生

病中睡起折杏花數枝二首

獨卧南牕榻條然五六旬已聞鄰杏好故挽一枝春

二

獨卧無心起春風閉寂寥鳥聲誰喚汝屋角故相撩

送望之赴臨江

黃雀有頭顱長行萬里餘想因君出守暫得免直

送丁廓秀才歸汝陰

風駛柳條乾駝裘未勝寒慙慙陌上日爲客暖征鞍

送王彥魯

北客憐同姓南流感似人相分豈相忘臨路更情親

送呂望之

池散田田碧臺敷灼灼紅年華豈有盡心賞亦無窮

別方劭秘校

迢迢建業水中有武昌魚別後應相憶能忘數寄書

梅花

牆角數枝梅凌寒獨自開遙知不是雪為有暗香來

紅梅

春半花纔發多應不奈寒北人初未識渾作杏花看

病起過寶覺

執手乍欣悵霜毛應更新依然舊童子却想夢前身

書定林院牕

問遠大師師云夜來夢與說十波羅蜜

道人今輟講卷被寄松蘿夢說波羅蜜當如習氣何

題徐浩書法華經

一切法無差水牛生象牙莫將無量義欲覓妙蓮華

碧蕪回紋

碧蕪平野曠黃菊晚村深客倦留甘飲身閑累苦吟

夢長

夢長隨永漏吟苦雜踈鍾動蓋荷風勁沾裳菊露濃

送月

送月川魚躍開雲嶺鳥翻徑斜荒草惡臺廢冶花繁

泊鴈

泊鴈鳴深渚收霞落晚川柝隨風斂陣樓映月低弦

漠漠汀帆轉幽幽岸火然壑危通細路溝曲繞平田

題西太一宮壁二首

六言

草色浮雲漠漠樹陰落日潭潭

一作柳葉鳴蜩暗荷花落日紅三

十六陂流水白頭想見江南

二

三十年前此路地一作父兄持我東西今日重來白首

欲尋陳迹都迷

西太一宮樓

草際芙蓉零落水邊揚柳欹斜日暮炊煙孤起不知
魚網誰家

臨川先生文集卷第二十六

臨川先生文集卷第二十七

律詩 七言絕句

歌元豐五首

墓

題畫扇

夢

清明

東岡

春郊

元日

九日

初晴

南蕩

芙蕖

溝西

東臯

一陂

園蔬

脩然

杖藜

圖書

老嫌

移柳

誰將

雪乾

南浦

竹裏

隨意

秋雲

春風

陂麥

木末

進字說二首

窺園

嘲白髮

代白髮答

外厨遺火二絕

初夏即事

千蹊

和陳輔秀才金陵書事

和耿憲天隲以竹冠見贈四首

和郭功甫

葉致遠置洲田以詩言志次其韻四首

次昌叔韻

次張唐公韻

次俞秀老韻

酬宋廷評請序經解

送耿天隲至渡口

永慶院送道原還儀具作詩要

送方劭秘校

芙蓉堂二首

長子釋普濟坐化

歌元豐五首

水滿陂塘穀滿篝漫移蔬果亦多收
神林處處傳蕭鼓共賽元豐第二秋

二

露積成山百種收漁梁亦自富
鰕鮓無羊說夢非真事豈見元豐第二秋

三

湖海元豐歲又登稻生猶足暗溝塍
家家露積如山

慵黃髮咨嗟見未曾

四

放歌扶杖出前林
遙和豐年擊壤音
曾侍土階知帝力
曲中時有譽堯心

五

豚筴雞埒曉靄閒
暮林搖落獻南山
豐年處處人家好
隨意飄然得往還

棊

莫將戲事擾真情
且可隨緣道我贏
戰罷兩奩分一作收
白黑一枰何處有虧成

題畫扇

玉斧修成寶月團
月邊仍有女乘鸞
青冥風露非人

世鬢亂釵斜特地寒

夢

黃梁欲熟且留連
漫道春歸莫悵然
蝴蝶豈能知夢事
遽遽飛墮晚花前

清明

東城酒散夕陽遲
南陌鞦韆寂寞垂
人與長餅卧芳草
風將急管度青枝

東岡

東岡歲晚一登臨
共望長河映遠林
萬竅怒号風喪我
千波競湧水無心

春郊

青秧漫漫出初齊
雞犬遙聞路却迷
但見山花流出

水那知不是武陵溪

元日

爆竹聲中一歲除東風送暖入屠蘇千門萬戶曛曛
日爭插一作總新桃換舊符

九日

九日無歡可得追飄然隨意歷山陂蔣陵西曲一作面
風煙慘一作卷也有黃花一兩枝

初晴

幅巾慵整露蒼華度壠深尋一徑斜小雨初晴好天
氣晚花殘照野人家

南蕩

南蕩東陂水漸多陌頭車馬斷經過鍾山未放朝雲

散奈此黃梅細雨何

芙蕖

芙蕖耐夏復宜秋一種今年便滿溝南蕩東陂無此
物但隨深淺見游儻

溝西

溝西直下看芙蕖葉底三三兩兩魚若比濠梁應更
樂近人渾不畏春鉏

東臯

東臯攬結知新歲西嶮攀翻憶去年肘上柳生渾不
管眼前花發即欣然

一陂

一陂一作陂水蔣陵西含風却轉與城齊周遭碧銅

磨作港畝塞綠錦剪成畦

園蔬

園蔬小摘嫩還抽畦稻新春滑欲流枕簟不移隨處
有飽餐甘寢更無求

脩然

脩然三月閉柴荆綠葉陰陰忽滿城自是老年遊興
少春風何處不堪行

杖藜

杖藜隨水轉東岡興罷還來赴一牀堯桀是非時入
夢固知餘習未全忘

圖書

圖書老矣尚紛披神剗天黥以有知茅竹結蟠聊一

渴却尋三界外愚癡

老嫌

老嫌智巧累形軀欲就田翁學破除百歲用癡能幾
許救吾黥剗可無餘

移柳

移柳當門何啻五穿松作徑適成三臨流遇興還能
賦自比淵明或未慙

誰將

誰將石黛染春潮復撚黃金作柳條西嶺東瀟從此
好筍輿追我莫辭遙

雪乾

雪乾雲淨見遙岑南陌芳菲復可尋換得千顰為一

笑春風輸柳萬黃金

南浦

南浦東岡二月時物華撩我有新詩
含風鳴綠剌剌起弄日鷺黃裏裏垂

竹裏

竹裏編茅倚石根竹莖踈處見前村
閑眠盡日無人到自有春風爲掃門

隨意

隨意柴荆手自開公岡度壘復登臺
小橋風露扁舟月迷鳥羈雌音往來

秋雲

秋雲放雨靜山林萬壑崩湍共一音
欲記荒寒無著

盡賴傳悲壯有能琴

春風

春風過柳綠如縲晴日烝紅出小桃
池暖水香魚出處一環清浪湧亭臯

陂麥

陂麥連雲慘淡黃綠陰門巷不多涼
更無一片桃花在借問春歸有底忙

木末

木末北山煙冉冉草根南澗水泠泠
縲成白雪桑重綠割盡黃雲稻正青

進字說二首

正名百物自軒轅野老何知強討論
但可與人漫贊

豈能令鬼哭黃昏

二

鼎湖龍去字書存
開闢神機有聖孫
湖海老臣無四目
謾將糟粕汗脩門

窺園

杖策窺園日數巡
攀花弄草興常新
董生只被公羊惑
肯信捐書一語真

嘲白髮

久應飄轉作蓬飛
眷惜冠巾未忍違
種種春風吹不長
星星明月照還稀

代白髮荅

從衰得白自天機
未怪長青與願違
看取春條隨日

長會須秋葉向人稀

外厨遺火二首

竈鬼何為便赫然
似嫌刀杓苦無羶
圖書得免同煨燼
却賴厨人清不眠

二

青煙散入夜雲流
赤焰侵尋上瓦溝
門戶便疑能炙手
比鄰何苦却焦頭

初夏即事

石梁茅屋有彎碕
流水濺濺度兩陂
晴日暖風生麥氣
綠陰幽草勝花時

千蹊

千蹊百隧散林立
圖畫風煙一色秋
但有興來隨處

好楊朱何苦涕橫流

和陳輔秀才金陵書事

南郭先生比鷓鴣年年過我未愆期休論王謝當時
事大抵烏衣祇舊時

和耿天隲以竹冠見贈四首

竹根殊勝竹皮冠欲著先須短髮乾要使山林人共
見不持方帽禦風寒

二

無物堪持比此冠竹皮柔脆穀皮乾故人戀戀絺袍
意豈為哀憐范叔寒

三

玉潤金明信好冠錯刀剗出蘚紋乾不忘君惠常加

首要使懽盟未可寒

四

冠工新意斷檀欒霧卷雲蒸久未乾遺我山林真自
稱何煩貂暖配金寒

和郭公甫

且欲相邀卧看山扁舟自可送君還留連山郭今如
此知復何時伴我閒

葉致遠置洲田以詩言志次其韻二首

吟歎君詩久掉頭知君興不負滄洲土山欲為羊曇
賭且可專心學菜蔬

二

若將有限計無涯自困真同筭海沙隨順世緣聊戲

劇莫言河渚是吾家

又次葉致遠韻二首

庵成有興亦尋春風暖荒萊步始勻若遇好花須一
笑豈妨迦葉社多身

二

明時君尚富春秋豈比衰翁遠自投智略未應施
畝上前他日望吾丘

次昌叔韻

寄公無國寄鍾山垣屋青松掩靄間長以聲音為佛
事野風蕭颯水潏潏

次張唐公韻

憶昨同追八馬蹄約公投老此山棲公乘白鳳今何

處我適新年值白鷄

次俞秀老韻

解我葱珩脫孟勞暮年甘與子同袍新詩比舊增奇
峭若許追攀莫太高

酬宋廷評請序經解

未曾相識已相憐香火靈山亦有緣訓釋雖工君尚
少不應忽務世人傳

送耿天隲至渡口

雪雲江上語依依不比尋常恨有遠四十餘年心莫
送故人如我與君稀

承慶院送道原還儀真作詩要之

歲暮青條已見梅餘花次第相爭開淮南無此山林

勝作意春風更一來

送方劭秘校

南浦柔條拂地垂攀翻聊寄我西悲武昌官柳年年好他日春風憶此時

芙蓉堂二首

投老歸來一幅巾尚私榮祿備藩臣芙蓉堂下踈秋水且與龜魚作主人

二

乞得膠膠擾擾身五湖煙水替風塵祗將鳧雁同爲侶不與龜魚作主人

長干釋普濟坐化

投老唯公最故人相尋長恨隔城闌百年俯仰隨新

處我適新年值白鷄

次俞秀老韻

解我葱珩脫孟勞暮年甘與子同袍新詩比舊增竒峭若許追攀莫太高

酬宋廷評請序經解

未曾相識已相憐香火靈山亦有緣訓釋雖工君尚少不應忽務世人傳

送耿天隲至渡口

雪雲江上語依依不比尋常恨有違四十餘年心莫逆故人如我與君稀

承慶院送道原還儀真作詩要之

歲暮青條已見梅餘花次第相爭開淮南無此山林

勝作意春風更一來

送方劭秘校

南浦柔條拂地垂攀翻聊寄我西悲武昌官柳年年
好他日春風憶此時

芙蓉堂二首

投老歸來一幅巾尚私榮祿備藩臣芙蓉堂下疏秋
水且與龜魚作主人

二


乞得膠膠擾擾身五湖煙水替風塵祗將鳧雁同為
侶不與龜魚作主人

長干釋普濟坐化

投老唯公最故人相尋長恨隔城闌百年俯仰隨薪

盡畫手空傳淨戒身

臨川先生文集卷第二十七



昭水集二十七

書